



**Macedonië - Danie en Esther van Niekerk** Ons ondersteun met R3,000 per maand. Hul grootste projek of uitdaging is om die plot wat hy en sy Amerikaanse kollega kon aankoop verder te ontwikkel. Saam met kweekhuise en 'n melkery (wat hul reeds gevestig het) wil hul meer doen om honger mense te kan voed. Hul hoop ook om die plot beskikbaar te stel vir 'n instansie wat 100 volwassenes versorg wat in verskillende grade van gestremdheid is. Vir meer inligting kontak Ds Henk Brits 082 855 7136

#### UITHOEKE VAN DIE WÊRELD = FEBA-RADIO

Albei hierdie sendingorganisasies bedien die evangelie met gelowiges in die vervolgte kerk, of daar waar ons gewone mense nie kan kom nie. Vir FEBA begroot ons R1300 per maand.

#### INcontext:

INcontext International het verskeie programme wat hul loods. Ons ondersteun "Project Light the Way – North Africa" wat Moslembekeerlinge oplei om sendelinge onder hul eie mense te word. Begroting tans R4,500 per maand.

**"Niemand weet wat môre gaan gebeur nie. Wie egter naby die Here leef, sal weet wat om te doen. ~ "Spreuke 20:24 DB**

#### Lede:

Ds. Henri Meyer  
Herman van Huyssteen (Voorsitter)  
Henk Brits  
Hennie en Mareta Lombard  
Hannes en Helen Terblanche  
Elna Robbertse

#### Bankbesonderhede:

GO NG Kerk Mosselbaai ABSA spaar 9305467263 takkode 632005



## GELOOF IN AKSIE

FEBRUARIE 2025

*Ons geloofsoffers aan die werk*

#### GETUIENISSONDAG

"'n Ander keer het een van die apostels vir Jesus gevra: "Here, sê asseblief vir ons, gaan U Israel nou weer tot sy vorige glorie herstel, soos in die dae toe ons nog ons eie koning gehad het?" Daarop het Jesus geantwoord: "Dit is vir God om oor hierdie dinge te besluit, nie vir julle nie. "Al wat julle hoef te weet, is dat God met sy groot krag in julle lewe sal werk wanneer die Heilige Gees na julle toe kom. **Dan gaan julle oral oor My praat: hier in Jerusalem, maar ook in die hele Judea en Samaria. Ja, selfs tot aan die verste uithoeke van die wêreld."**

#### Handelinge 1:6-8 Die Boodskap

Ons gemeente is besig om aan hierdie sendingopdrag te lewe.

Ons geloofsoffer word aangewend vir die volgende sendingprojekte:

#### JERUSALEM = MOSSELBAAI

**Bybelverspreiding:** "En hoe kan hulle in iemand glo van wie hulle nie gehoor het nie?" (Rom.10) Al die geld wat ons **met spesiale deurkollekties en met Manna-Munte** insamel, word hiervoor aangewend. Manne-Munte-botteltjies is by al die deure en by die kerkkantoor beskikbaar (neem een en maak vol; bring terug en neem weer 'n leë...) Bybels vir 'n verdienstelike saak is by die kerkkantoor beskikbaar. Twee maal per jaar word **uitreike na taxi's** gereël. Hierdie uitreike staan onder leiding van Ds Hennie en Mareta Lombard. Kom saam op die volgende Bybeluitreik en ervaar eerstehands die vreugde van sommige volwassenes wat 'n Bybel ontvang; dis hartverwarmend! Vir die **Taxi-bediening** begroot ons 2 maal per jaar R2 000 om Bybels vir die uitreik aan te koop. Ons het ook die afgelope jaar 50 Afrikaanse Bybels geskenk vir Dia-logos, deel van Incontext. Hierdie Bybels is versprei aan plaaswerkers en kinders in die Herbertsdale area. Daar was die afgelope jaar R12 000 bestee aan Bybel aankope.

# GETUIENISBEDIENING



**Moss-Liefde** is 'n uitreik oor ons gemeentegrense. Ons bedien die koshuiskinders van die Sao Bras hoërskool met naaldwerkklasse, Bybelstudie, kuns en die totstandkoming en onderhouding van 'n groentetuin. By Sonskynvallei se dagsorgsentrum lees ons vir die kleuters 1x per week stories. Vir hierdie projekte begroot ons R300 per maand. Kontak Lizl du Pisanie vir meer inligting 072327 6562

**Love Chinese:** Reeds sedert 2017 druk die Here die verlorenheid van die Chinese in ons omgewing op die harte van 'n paar lidmate. Aktiewe uitreike na hulle het tot nou toe min belangstelling in die evangelie van Jesus Christus opgelewer. En tog: o.l.v. 'n sendeling wat baie lank in China werksaam was (Mandaryns magtig is!) en hom tans in Stilbaai bevind, vind daar weekliks 'n Bybelklas by die Chinese restaurant in Marshstraat plaas. Intussen word daar steeds by geleentheid na die ander Chinese uitgereik, al is dit net met 'n eetdingetjie. Ons begroot R2,500 per maand vir hierdie projek wat hoofsaaklik Etienne Basson (sendeling) se brandstofkoste dek. Kontak Mareta Lombard vir meer inligting 081 270 1097

Die **Naagskulling (Haven Shelter)** word maandeliks finansieel met R3,000 ondersteun.

**Arbeidsbediening: Pierré Lamprecht** is al jare lank die hoof van hierdie bediening in die wyer Mosselbaaigebied. Saam met 'n werkersgroep uit verskillende dominasies bedien hulle werkers by hul werksplek. Van ons lidmate is ook aktief hierby betrokke. ('n Honorarium aan **Pierré Lamprecht en Griet Boshoff**), gesamentlik R5,000/maand)

## JUDEA = MAKHATINI

Die **Makhathini-vlakte** huisves 'n goedgevestigde gemeente in die noorde van KZN. Lucky Kunene, 'n gemeentekind is die leraar. Hierdie gemeente is 'n duidelike bewys van God se deurlopende werksaamheid! Ons ondersteuning: R500 per maand.

**Pakistan - Paul en Toni Ferreira** is sedert 2018 een van ons sendelinge. Hy was ook ons prediker laas jaar. Vir Paul begroot ons vanjaar R4,000 per maand. Kontak Herman van Huyssteen vir meer inligting 083 393 3760

# GETUIENISBEDIENING



## SAMARIA = MOSAMBIEK

**Israel Domingo.** "Our congregation, the Chimoio Congregation, is located in the small city of Chimoio, about 80 km to the border with Zimbabwe. It's a new congregation, and we are busy expanding our activities within and around the city, especially in the neighbourhoods. Our goal is to reach the borders of other congregations from Sofala and Tete provinces." Israel ontvang maandeliks R3,000. Kontak Herman van Huyssteen vir meer inligting 083 393 3760

**Zambië - Petri en Waldo Kleyn** is gekoppel aan die Hope Church (George) se "The Zambia Project" wat gerig is op die Kwamashi, in Wes-Zambië. Hulle visie is "We Serve So Others May Live" en 1 Petr. 4:10 is hul motivering. Van hul projekte vir 2025 sluit in: Voedingsprogramme vir skoolkinders, versorging van kleintjies met spesiale behoeftes asook kinders wat ondervoed is. Daarmee saam: 'n dissipelskapsentrum vir kinders, en sportafrigting. Begroting vir Petri: R3,000 per maand.

**Suid-Soedan - Dr Kobus van Zyl** het 'n **gebedsbediening** hier in Suid-Afrika, maar hy is ook al 20+ jaar betrokke by die opleiding van teologiese studente in **Suid-Soedan**. Ons gemeente is sedert 2005 in vennootskap met 2 ander gemeentes wat vir Kobus se basiese uitgawes sorg; vanjaar beloop dit R8 712. Ons begroot ook R16 000 vir vliegkaartjies na Suid-Soedan.

**Libanon - Jacobus van Zyl** het 'n duidelike roepstem ontvang om die Siriese vlugtelingkinders in die Bekaa-vallei in Libanon te bedien waar hy reeds 2 keer besoek het. Hy is tans in Malawi besig om te help met video werk. Hy is ook besig om sy visum te hernu vir Libanon. Onder voogskap van **dia-Logos** hoop hy om binnekort daarheen terug te keer. Jacobus is die seun van Dr Kobus van Zyl. Ons bydrae is R3 000 per maand. Kontak Herman van Huyssteen vir meer inligting 083 393 3760.

**Europa en wêreldwyd - Ina Steyn** werk in Europa. Deur YWAM gee sy 'n paar keer per jaar klas in verskeie Europese lande, maar haar hooffokus het verlede jaar verskuif na geestelike begeleiding met gelowiges wêreldwyd. Ons is sedert 1998 by Ina betrokke en ondersteun haar met R6,000 per maand.